

Ngā hōtaka tautoko whakarekerekere ā whare kore utu

He pārongo mō ngā hōtaka tautoko i ngā pākeke me ngā tamariki i raro i te Ture Whakarekerekere ā Whare 1995

Kei te whakamaruhia koe e tētahi whakahau whakamarutanga i whakapaetia i raro i te Ture Whakarekerekere ā Whare 1995, ka taea e koe te haere ki tētahi **hōtaka taukoto kore utu** hei āwhina i a koe ki te whakatau i tō tūāhuatanga.

He hōtaka tautoko kore utu kei te wātea anō ki ngā **tamariki** e noho ana me koe.

Ko ngā hōtaka tautoko i raro i te Ture Whakarekerekere ā Whare he –

- Kore utu
- Muna
- Haumarū i a koe
- Whakapiki i tō māiatanga.

HE PĒHEA TE ĀWHINA ME TE TAUTOKO A ĒNEI HŌTAKA I A AU?

Ka āwhina ēnei hōtaka i a koe ki te **ahu whakamua** me te **haumarū i a koe**. Ka tuku pārongo ki a koe mō te whakahau whakamarutanga, me te whakarekerekere ā whare me ōna pānga.

Ko ngā hōtaka mō ngā **tamariki** ka taea te āwhina i a rātau kia mārama ai, kia whakatau ai hoki ō rātau whakaaro ki te

whakarekerekere me ngā pānga a te whakarekerekere ki a rātau me tō rātau whānau.

Ka taea e koe te whiriwhiri mai i ngā hōtaka maha tonu. Ka whakahaerehia ā rōpū, ā takitahi rānei. Kei ētahi o ngā hōtaka ngā ratonga tiaki tamariki, kawenga ā waka hoki.

He tino rerekē ēnei hōtaka ki te hōtaka kua tonoa kia haere te kaiurupare (te tangata i te tākaha, i te tūkinō rānei) hei āwhina i a ia ki te noho me te kore whakarekerekere.

KO WAI KEI TE WHAKAHAERE I ĒNEI HŌTAKA?

Ko ngā hōtaka katoa kei te whakahaerehia e ngā **tohunga ngaio** kua whakaaehia e Te Manatū Ture.

He whai whakaaro nō rātau ki ngā wheako rerekē o te tangata, pēnei i ō rātau tau, ira, ahurea, hōkakatanga, hauātanga rānei.

NGĀ HŌTAKA TAUTOKO MŌ NGĀ PĀKEKE

Ko ēnei hōtaka ka -

- whakamārama ki a koe ngā mahinga a te whakahau whakamarutanga me ō mōtika i raro i tēnei whakahau.
- tuku pārongo ki a koe mō te whakarekerekere ā whare me ōna pānga
- āwhina i a koe ki te kimi ki te hanga tautoko mōu mai i ō hoa, i tō whānau me te hapori.
- āwhina i a koe kia noho haumaruru koe, me ō tamariki hoki
- āwhina i a koe ki te rapu huarahi kia pai ake ai tō orangatanga.

NGĀ HŌTAKA TAUTOKO MŌ NGĀ TAMARIKI

Ko ngā whakarekerekere katoa ka whai pānga ki ngā tamariki, otira inā kite ai, rongo ai rātau i te whakarekerekere.

Me whai **āwhina me te tautoko nui** anō ngā tamariki hei whakatau i ngā āhuatanga kua pā mai ki a rātau. He hōtaka tautoko kore utu kei reira mō ō tamariki, tae atu ki te 17 ngā tau, ka whakahaerehia hei wānanga ā rōpū, ā takitahi rānei.

Ka taea e ēnei hōtaka te āwhina i ō tamariki –

- ki te ako kia whakahaumarua ai i a rātau
- kia mārama ai ki ngā pānga o te whakarekerekere ki a rātau
- ki te whakatika raruraru me te whakatau i ō rātau kare ā roto, aronganui hoki
- ki te whakapiki māiatanga

Ka taea e koe, tētahi atu kaitiaki o ngā tamariki rānei, te haere mai ki te hōtaka me ō tamariki.

E HIA TE ROA E WĀTEA ANA ĒNEI HŌTAKA?

Mai i te whakapae o te whakahau e taea e koe te **toru tau** ki te tono mō tētahi hōtaka kore utu.

Ka taea te whakarahi ake i tēnei wā i ngā āhuatanga motuhake, nō reira me pātai ki te Kōti mō tēnei mēnā kua hipa kē te toru tau o tō whakahau.

Kia whai pārongo anō mō ēnei hōtaka tautoko, whakapā atu ki te Kōti Whānau, tirohia rānei te paetukutuku a te Kōti Whānau (www.justice.govt.nz/family), kōrero rānei ki tō rōia.

PUKA TONO

Ngā hōtaka mō ngā tāngata pākeke e whakamarumaruhia ana

I raro i te wāhanga 29 o te Ture Whakarekerekere ā Whare 1995, e tono ana au kia whakaurua au ki tētahi hōtaka ko tōna whāinga he whakatairanga i te whakamarutanga mai i te whakarekerekere ā whare.

Ingoa: _____

Wāhi noho: _____

Waea: _____

Iwi: _____

Te ingoa o te kaiurupare ki te whakahau whakamarutanga:

Te Kōti Whānau i whakapae i te whakahau whakamarutanga:

Ngā hōtaka mō ngā tamariki

I raro i te Wāhanga 29 (1)(b) o te Ture Whakarekerekere ā Whare 1995, e tono ana au mō te tamaiti / tamariki e whai ake mai i tōku whānau kia whakaurua ki tētahi hōtaka ko tōna whāinga he whakatairanga i te whakamarutanga mai i te whakarekerekere ā whare.

Tōku ingoa: _____

Wāhi noho: _____

Waea: _____

Te ingoa o te tamaiti	Rā whānau	Iwi
_____	_____	_____
_____	_____	_____
_____	_____	_____
_____	_____	_____
_____	_____	_____
_____	_____	_____

Te ingoa o te kaiurupare ki te whakahau whakamarutanga:

Te Kōti Whānau i whakapae i te whakahau whakamarutanga:

277 DFC Domestic 009 10/9FINAL 10/9/03, 5:53 PM 1

Tākaihia tēnei pepa, ka tukuna atu, ka heri atu rānei ki te Whānau Kōti tata ki a koe.

[Text for back page]

Ko tēnei puka whakamārama he whakarāpopoto i ētahi wāhanga o te Ture Whakarekerekere ā Whare 1995.

Mēnā he pātai āu, tirohia te Ture Whakarekerekere ā Whare, haere ki te kite i tētahi rōia rānei.

Kia whai pārongo anō, whakapā atu ki te Kōti Whānau ā rohe.

Kei te paetukutuku a Te Manatū Ture i www.justice.govt.nz tēnei puka whakamārama

Kōti 009

[Month and year of publication]